



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 449. De bonis traditis in villis Bennenhus, Emsteki, Hareburgun et Erelithe in pagis Nithega atque Leri, itemque de origine Oldenburgicorum comitum.

urn:nbn:de:hbz:466:1-36114

§. 449.

Tradidit heffi in *bernanbus* (k) quidquid illic habuit.

tradidit hunoldus pro se et patre suo uuulfario et pro filio suo egilmaro in *emsteki* VII. unam in *hareburgun* (l) et unam in *erelithe*.

et guber-
nante
Corbe-
iam
Walho-
ne.

§. 450.

Vt autem in viam, a qua paululum defleximus, redeamus, illud animaduer-
ti dignum putamus, ducem Saxoniae et *caesarem* *Lotharium* appellari *comitem de*
Schusen, quod interpretari maluimus de *Schusen* in pago Norththuringi, quam
de *Schusen* in pago Ambergi. Cum enim supra §. 188 et §. 441 ostenderit-
mus, *caesarem* *Lotharium* cum Walbeccensibus, Sommerschenburgicis atque An-
haltinis, ex vno germine fuisse ortum, ex eadem quoque appellatione nouum
pondus sententiae nostrae accrescit, et probabile redditur, *Oddonem* clericum in
villa *Hamerseue*, ad comitatum *Schufanum* olim spectante, aliquid tradentem
ad progenitores *caesaris* *Lotharii* referendum esse. Probabilissime is comitis
Luidgeri frater, ac filius *Thiadrici* comitis fuit, qui cum uxorem habuerit no-
mine *Symod*, eadem *Oddonis* mater, et proauia *caesaris* *Lotharii* non esse non
poterit. Verisimillime idem *Oddo* ad nostram accessit Corbeiam, iustraturus
& visurus fratrem suum *Luidgerum*, filiumque *Egiloldum*, tunc temporis mona-
chum Corbeiensium. Viuere autem potuit *Symod* praedicta vxor *Thiadrici*
comitis, vsque ad annum 1013. *Thiadricum* enim anno circiter 968, uxorem
duxisse, statuimus supra §. 441. Pone enim, *Symodam* nupsisse *Thiadrico* anno
XVI aetatis suae, tum necesse est, nata illa fuerit anno 952, et annum aetatis ha-
buerit oportet *Symoda* LXI annos anno 1013, quo vitam cum morte videtur
commutasse.

(k) Villa *Bennanbus* erat sita in pago *Nithega*, teste Registro abbatis Sarachonis. De villa
Nulla ergo alia villa subest, nisi ea, in qua olim illustris Saxoniae dux *Luidolfus* Bennan-
hus in
pago
Nithega.
mansum vnum tradiderat, vti docuimus supra §. 224, vbi vidimus, designa-
ri vicum *Bensen* haud procul a vico *Erklen* in Paderbornensi episcopatu. Ad
posterum ducis *Luidolfi* spectasse *Hessonem*, qui in eadem villa quaedam donauit,
videtur verosimile. Cum itaque nomen *Hessi*, *Esic*, *Asich*, atque *Adalricus* sit
vnum idemque, vti vidimus supra §. 104. not. (v); *Hessi* noster verisimiliter
fuit *Esic*, filius *Thiatmari*, de quorum vtroque supra egimus §. 104. not. (n).

(l) Villas *Emsteki*, *Hareburgun* atque *Erelithe* fuisse in pago *Leri*, refert Saracho in De villis
Registro B. et P. A. C. Pagum *Leri* existisse circa monasterium *Wildeshusen* Emsteki,
Harebur-
gun et
Erelithe
in pago
Leri.
et fluuium *Hunta*, qui in *Osnabrugensi* oritur episcopatu, atque in comitatu
Oldenburgico miscetur *Visurgi*, docuimus supra §. 35. Neminem ergo nega-
rurum censemus, villam *Emsteki* esse *Emsteck*, et *Erelithe* esse *Leete* in inferiori
episcopatu *Monasteriensi*, *Hareburgun* autem *Herbergen*, in comitatu situm *Olden-
burgico*. Atque ex eo probabilissimum fieri putamus, *Hunoldum*, *Wulfarii* filium
ac patrem *Egilmari*, inter progenitores *Oldenburgicorum* comitum, a quibus
nunc serenissimi duces *Holstiae* ac *Daniae* reges descendunt orti, esse referen-
dum. *Egilmarus*, filius *Hunoldi*, verisimiliter eo tempore, quo pater eius pro
eo hac bona tradidit, tantum puer seu adolescens fuit. Cum autem nomen
Hunoldi contraheretur in *Huno*, quemadmodum dicimus pro *Reinoldo* *Reino*,
et pro *Geroldo* *Gero*, probabilissime quoque huius *Egilmari* frater fuit *Huno*
archicomes. Quamuis enim *Io. Schiphouerus* in *Chronica* T. II. S. R. G. *Mei-
bomii* p. 151 huius *Hunonis* patrem appellauerit *Vdonem* marchionem atque
archicomitem ac matrem *Idam*, contendens, illius *Hunonis* uxorem fuisse *Guil-
lam*, et sororem *Rixam*, matrem *Egilmari* comitis *Oldenburgici*; pater tamen
ex eis, quae supra §. 241 diximus, *Schiphouero* in eo non esse credendum.
Rixa seu *Rikence* quidem erat filia *Idae*, sed non fuit *Ida* vxor *Vdonis*, neque
Ida, mortuo *Vdone*, regi *Russorum* copulata est, vti idem *Schiphouerus* l. c. at-
que auctor *Chronici* *Rastadensis* T. II. *Meibomii* p. 89 asserunt, confundentes
filiam *Odam* cum matre *Ida*, vxore *Lippoldi*, *Dedonis* atque *Ethelerti*, quod tamen
Schiphouerus corrigere videtur p. 141. asserens, *Idam* fuisse vxorem *Lippoldi*,
cui pepererit *Odam* sacram virginem *Rinteli*, quae in matromonium data sit regi
Russo-